



BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO  
FEDERACIJE BOSNE I HERCEGOVINE

## **UPUTSTVO**

**za popunjavanje izvještaja o efektima  
realizacije posebnih mjera koje banka  
primjenjuje u vanrednim okolnostima –  
poplave iz oktobra/listopada 2024. godine**

*Sarajevo, novembar/studeni 2024. godine*

Na osnovu čl. 5. stav (1) tačka h) i 23. stav (1) tačka d) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), člana 16. stav (1) tačka (k) Statuta Agencije za bankarstvo Federacije Bosne i Hercegovine („Službene novine Federacije BiH“, broj 3/18) i člana 9. stav (2) Odluke posebnim mjerama koje banka primjenjuje u vanrednim okolnostima – poplave iz oktobra/listopada 2024. godine („Službene novine Federacije BiH“, broj 79/24), direktor Agencije za bankarstvo Federacije Bosne i Hercegovine dana 27.11.2024. godine donosi

**UPUTSTVO**  
**ZA POPUNJAVANJE IZVJEŠTAJA O EFEKTIMA REALIZACIJE POSEBNIH MJERA**  
**KOJE BANKA PRIMJENJUJE U VANREDNIM OKOLNOSTIMA – POPLAVE IZ**  
**OKTOBRA/LISTOPADA 2024. GODINE**

**Član 1.**

**Predmet**

Ovim Uputstvom za popunjavanje izvještaja o efektima realizacije posebnih mjera koje banka primjenjuje u vanrednim okolnostima – poplave iz oktobra/listopada 2024. godine (u daljnjem tekstu: Uputstvo) propisuju se zahtjevi koje je banka dužna ispunjavati prilikom izvještavanja Agencije za bankarstvo Federacije Bosne i Hercegovine (u daljnjem tekstu: Agencija) o posebnim mjerama koje je banka odobrila fizičkom ili pravnom licu čija je kreditna sposobnost pogoršana, odnosno čiji su izvori za otplatu smanjeni i time onemogućeno ili će biti onemogućeno izmirivanje obaveza prema banci, ukoliko je to posljedica negativnog utjecaja vanredne okolnosti u skladu sa članom 3. Odluke o posebnim mjerama koje banka primjenjuje u vanrednim okolnostima - poplave iz oktobra/listopada 2024. godine (u daljnjem tekstu: Odluka).

**Član 2.**

**Struktura i pravila**

- (1) Izvještajni obrazac na koji se odnosi ovo uputstvo obuhvata izvještajni obrazac BA 93.00 - Posebne mjere - poplave iz oktobra/listopada 2024. godine.
- (2) Izvještajni obrazac u zaglavlju sadrži podatke o nazivu banke i identifikacionom broju banke.
- (3) U izvještajnom obrascu numerički su označeni redovi, kolone i ćelije, što predstavlja osnovu za primjenu kontrole ćelija i validaciju formula.
- (4) Svi iznosi u izvještajnom obrascu iskazuju se kao pozitivne vrijednosti u hiljadama konvertibilnih maraka. Ostatak iznosa od 500 KM ili više zaokružuje se na jednu hiljadu KM, a ukoliko ostatak iznosi manje od 500 KM, zanemaruje se. Ako pojedinačna izvještajna pozicija iznosi manje od 500 KM, iskazuje se u izvještaju kao nula.
- (5) Sivo označene ćelije u izvještajnom obrascu se ne popunjavaju.
- (6) Za podatke iskazane u izvještajnom obrascu banka je dužna osigurati potpunu i pouzdanu analitičku podršku koja podržava iskazane iznose i strukturu izvještajnih podataka na referentni datum izvještavanja i koja predstavlja vjerodostojnu i pouzdanu podlogu uz izvještajne podatke. Agencija može tražiti dodatnu dokumentaciju, informacije i podatke kojima banka potkrepljuje iskazane izvještajne podatke, a koje je banka dužna dostaviti u roku koji utvrdi Agencija.
- (7) Izvještajni obrazac se dostavlja Agenciji na pojedinačnoj i konsolidovanoj osnovi, u skladu sa propisima kojima je regulisana supervizija na konsolidovanoj osnovi.
- (8) Izvještajni obrazac naveden u stavu (1) ovog člana je sastavni dio ovog uputstva i objavljuje se

na službenoj internet stranici Agencije.

- (9) Banka je dužna izvještajni obrazac dostavljati Agenciji mjesečno u roku od 15 dana nakon isteka izvještajnog mjeseca. Izuzetno, prvi izvještaj na finansijski datum 31.10.2024. godine banka je dužna dostaviti do 15.12.2024. godine.
- (10) Banka je dužna izvještajni obrazac dostavljati elektronski, putem informacionog sistema Agencije koji treba biti potpisan od strane dva nadležna lica banke. Ovaj izvještajni obrazac ne podliježe obavezi potpisivanja od strane člana uprave banke u čijoj nadležnosti je funkcija regulatornog izvještavanja.

### **Član 3.**

#### **Upute za popunjavanje izvještajnog obrasca BA 93.00 – Posebne mjere – poplave iz oktobra/listopada 2024. godine**

- (1) U izvještajnom obrascu Posebne mjere - poplave iz oktobra/listopada 2024. godine banka je dužna na mjesečnoj osnovi izvještavati o posebnim mjerama koje je banka odobrila fizičkom ili pravnom licu čija je kreditna sposobnost pogoršana, odnosno čiji su izvori za otplatu smanjeni i time onemogućeno ili će biti onemogućeno izmirivanje obaveza prema banci, ukoliko je to posljedica negativnog utjecaja vanredne okolnosti u skladu sa članom 3. Odluke. Osim navedenog, u izvještajnom obrascu se izvještava o broju zaprimljenih i odobrenih zahtjeva za odobravanjem posebnih mjera.
- (2) U kolonama 010 i 020 za redove 010 i 060 banka iskazuje broj traženih i odobrenih zahtjeva na nivou klijenta pri čemu se podaci iskazuju na kumulativnoj osnovi do datuma izvještavanja.
- (3) U koloni 030 banka za redove 010 i 060 banka iskazuje broj klijenata koji imaju aktivne ugovore i odobrene mjere na izvještajni datum, čiji je iznos kredita i očekivanih kreditnih gubitaka prema vrsti odobrene posebne mjere prikazan u kolonama 050 do 120.
- (4) U koloni 040 za odgovarajuće redove banka raspoređuje ugovore aktivne na datum izvještavanja čiji je iznos kredita i očekivanih kreditnih gubitaka raspoređen u kolonama 050 do 120, prema kriteriju vrste odobrene mjere.
- (5) U kolonama 050 do 080 banka iskazuje iznos glavnice kredita po aktivnim ugovorima na datum izvještavanja prema nivou kreditnog rizika (bilans) i ukupno u zavisnosti da li se odobrena posebna mjera odnosi na:
  - a) moratorij, odnosno, odgodu u otplati kreditnih obaveza uz obustavljanje obračuna kamata i dodatnih naknada na iznos kreditnih obaveza za vrijeme trajanja moratorija (red 020 za pravna lica i red 070 za fizička lica);
  - b) uvođenje „grace“ perioda za otplatu glavnice kreditnih obaveza u slučaju kredita koji se otplaćuju anuitetno na period od najduže 12 mjeseci (red 030 za pravna lica i red 080 za fizička lica);
  - c) odobravanje dodatnog iznosa izloženosti za potrebe prevazilaženja trenutnih poteškoća sa likvidnošću (red 040 za pravna lica i red 090 za fizička lica);
  - d) ostale posebne mjere u skladu sa članom 3. stav (1) tač. c), d) i f) Odluke (red 050 za pravna lica i red 100 za fizička lica).
- (6) U kolonama 090 do 120 banka iskazuje iznos očekivanih kreditnih gubitaka za kredite iskazane u kolonama 050 do 080, prema nivou kreditnog rizika i ukupno u zavisnosti da li se odobrena posebna mjera odnosi na:
  - a) moratorij, odnosno, odgodu u otplati kreditnih obaveza uz obustavljanje obračuna kamata i dodatnih naknada na iznos kreditnih obaveza za vrijeme trajanja moratorija (red 020 za pravna lica i red 070 za fizička lica);
  - b) uvođenje „grace“ perioda za otplatu glavnice kreditnih obaveza u slučaju kredita koji

- se otplaćuju anuitetno na period od najduže 12 mjeseci (red 030 za pravna lica i red 080 za fizička lica);
- c) odobravanje dodatnog iznosa izloženosti za potrebe prevazilaženja trenutnih poteškoća sa likvidnošću (red 040 za pravna lica i red 090 za fizička lica);
  - d) ostale posebne mjere u skladu sa članom 3. stav (1) tač. c), d) i f) Odluke (red 050 za pravna lica i red 100 za fizička lica).

#### **Član 4.**

#### **Stupanje na snagu**

Ovo uputstvo stupa na snagu danom donošenja i objavljuje se na službenoj internet stranici Agencije.

**Broj: 01-6373/24**

**Sarajevo, 27.11.2024. godine**

**DIREKTOR**

**Jasmin Mahmuzić, s.r.**